

简体字本二十六史

清史稿

版社

● 简体字本二十六史

【民国】赵尔巽等 撰
许 凯等 标点

清史稿

卷七五——卷九八

吉林人民出版社



清史稿卷七五

志第五〇

地理二十二

贵 州

贵州：《禹贡》荆、梁二州徼外之域。清初沿明制，设贵州布政使司，为贵州省。顺治十六年，设巡抚，治贵阳，并设云贵总督，分驻两省。康熙元年，改贵州总督。四年，仍为云贵总督，驻贵州。二十一年，移驻云南。旧领府十。康熙三年，增置黔西、平远、大定、威宁四府。二十二年，大定、平远黔西降州，隶威宁府。雍正五年，增置南笼府。六年，割四川遵义来属。七年，复升大定、降威宁。乾隆四十一年，升仁怀，嘉庆二年，升松桃，均为直隶厅，改南笼为兴义府。三年，降平越府为直隶州。十四年，升普安为直隶州。十六年，改厅。东至湖南。晃州。五百四十里。西至云南沾益。五百五十里。南至广西南丹。二百二十里。北至四川。綦江。五百五十里。东北距京师七千六百四十里。广一千九十里，袤七百七十里。北极高二十五度四分至二十八度三十三分。京师偏西七度三十三分至十度五十五分。宣统三年，编户一百七十七万一千五百三十三，口八百五十万三千九百五十四。共领府十二，直隶厅三，直隶州一，厅十一，州十三，县三十四，土司五十三。驿道：一东出镇雄关达湖南晃州；一西逾关索岭达云南平彝；一西北渡六广河达四川永宁。电线：北通重庆、毕节，又分达威宁至云南。

贵阳府：冲，繁，难。巡抚、布政使、提学使、按察使、粮储道同驻。光绪三十四年，裁粮储道，设巡警道、劝业道。宣统元年改按察使为提法使。顺治初，因明为军民府，领州三，县一。康熙十一年，增置龙里县。二十六年，裁“军民”字，增置贵筑、修文二县，又改平越府之贵定来隶。三十四年，省新贵入贵筑。瓮正四年，置长寨厅。光绪七年，以罗斛州判地置厅，移长寨同知驻，降长寨为镇，并入定番。广一百五十里，袤三百七十里。北极高九度五十二分。京师偏西九度五十二分。领厅一，州三，县四。南：青岩土千总一。东：虎坠司长官一，雍正八年裁。贵筑冲，繁，难，倚。明贵州贵前二卫。康熙二十六年改置，与新贵同城。三十四年省新贵入之。城内：翠屏山。东：铜鼓、栖霞、石门。北：贵山，府以此名。南：斗岩，板桥最高。西北：黔灵山，又木阁山，延袤百里，亘修文境内，通黔西。南明河自广顺入，合济番河，四方河、阿江河，折东，龙洞河北流注之，又北入开州。鸡公河自清镇北，流入境，又北，仍入清镇。贯城河出崮崧山，合城北择溪水入城中，南流注南明河。东南：图安关。东北：鸭关。驿一：皇华。南：白纳司正副长官一，中曹司土千总一。西北：养龙司长官一。顺治初，承明属府，康熙间改属县。顺治十五年，设中曹司正副长官一，瓮正七年裁。又喇平司，康熙二十三年裁。贵定冲，繁。府东百十里。顺治初因明隶平越。康熙二十六年改隶。南：文笔、天马、松牌、连珠山。西：金星、银盘。北：阳宝、西华。东北：蔡苗山。瓮首河出县西平伐土司，东北错入都匀，复迳县南，加牙河自龙里来注之。又北，八字河注之，北流，与博奇河会，折西北流，至巴香汛，合南明河。十万溪，在县北，苗众每恃险为乱。东：玉杵关、谷满关。西：马桑关、瓮城关。驿一：新添有汛。南：新添司长官一。又平伐、大平伐、小平伐司长官一。西牌土舍一。东丹平、北把平二司，均裁。龙里冲，繁。府东五十里。明龙里冲。康熙十一年改置。南：龙驾。西：长冲。北：云台。西南：回龙山。东：门水出县东南，老罗水、新安水西南分流，迳城北，合为博奇河。东：龙洞河西北来注之，入贵定。加牙河出谷者岩，东流入瓮首河。东：陇耸关。西：黎儿关。驿一：龙里。北：大谷龙土千总一。小谷龙土把总一。南：羊肠土千总一。又西北：龙里司，裁。修文冲。府北五十里。明，数勇卫。康熙二十六年改置。城内：屏山。西：宝峰。北：凤凰、将军。东：西望山，绵亘百余里。东南：龙冈。乌江自黔西入，即黔江，迳城西北，合鸡公河，北流为六广河，入开州。鸡公河自清镇入，石洞水合孟冲水，西注之，又北注乌江。东北：底寨司正副长官一。开州难。府东百二十里。

东:鲁郎。西南:南望山、阴阳山。南明河自贵筑入,迳城东,洗泥河东北注之,又北流,落旺河东北注之,又东为清水江,合乌江。乌江自修文入,为六广河,迳城西北纳沙溪水、养龙水,迳城北,洋水河、横水河合流注之,东南会清水江,缘遵义境入瓮安。可渡河出城东南,伏流复出,为落旺河,东注清水江。东北:西司正副长官一,裁。定番州难。府南百里。定广协副将驻。东:琴山。南:三宝、笔架。西:旗山。东南:松岐。西北:屏枫山,蒙江出,即连江,一曰牂牁江,一曰都泥江,出城西北山中,连广顺再入境,崇水、潮井水注之,又西南入罗斛。丰宁河自都匀入,注巴盘江,错入罗斛,合北盘江东流,入广西郡地土州。上马桥河出西北废上马桥司东,东北流,入贵筑,注南明河。南:石门关、克度关。东北:程番关。大塘、长寨州判二。附郭程番司长官一。东南:大龙番南、小龙番司长官一。南:韦番、罗番司长官一。西南:木瓜司正副长官一,麻响司长官一。东北:卢番司长官一。西:牛路、木官土舍一。又东:金石番司。南方番、卢山、洪番、卧龙番,西大华,西北上马桥、小程番七司,裁。广顺州难。府西南百十里。西:真武。东:螺拥、白云。南:天台山。南明河出城东北,折东入贵筑。鸡公河自普定入,麻线河注之,折北入安平。尤爱河在城东,从仁里,东流注济番河。东:白崖关、翁桂关。西:文马关。北:燕溪关。长寨州判一。有宗角、长寨、同笋三汛。有金筑司,裁。罗斛厅府西南四百二十里。顺治初,因明隶广西泗城土州,寻改隶泗城府。雍正三年割置永丰州,设州判,隶南笼府。乾隆十四年改隶定番。光绪七年置厅。东南:老人峰。西南:六合山。蒙江自定番入,克孟河自普定、猛渡河自归化合流注之,又南流,注北盘江。北盘江合南盘江自贞丰东流入,受濠江水,入郡地土州。又巴盘江在城东北,上流曰丰宁河,自都匀入,合藤茶河,东南入广西泗城。扎佐司巡司一。有罗斛汛。罗斛打拱土千户一。何往土外委一。

安顺府:冲,繁,难。旧隶贵西道。提督驻。顺治初沿明制,为军民府。康熙二十六年,裁“军民”字。东北距省治百八十里。广三百十里,袤百六十里。北极高三十六度十二分。京师偏西二十度二十四分。领厅二,州二,县三。西北:西堡司副长官一。西南:安谷、西堡二司,裁。普定冲,繁,难,倚。明普定卫。康熙十一年改置,省定南所入之。城内:塔山。东:飞虹、岩孔。南:屏枫。东南:旗山。西北:旧坡、新坡山。宁谷河出东山,合数水,西南流入镇宁。簸渡河自镇宁入,东北流入安平。克孟河出县东南,南流入罗斛。猛渡河出县西南,南流入归化。鸡公河上源为大水河,出县东

北,东南流入广顺。东:罗仙关、杨家关。南:半天关。西:牛蹄关、大屯关、老虎关、打铁关。驿一:普利。有宁谷废司。上五苑枝土千总,裁。镇宁州冲,繁。府西五十里。康熙二十六年,省安庄卫入之。南:玉京、青龙。东:东坡山。西:白岩、慈母山。北:九十九陇,周百余里。南:乌泥江,源出山箐中,汇诸溪涧水,东北定番宁谷河自普定入,合州西诸水,南流入贞丰,注北盘江。簸渡河自郎岱入,堕极河南流,谷龙河合三岔河北流,并注之。东北流,缘普定界入平远。东:猴儿关。西南:土地关、凤凰关、石龙关。驿二:安庄、坡贡。有坡贡汛。东康佐,北十二营二司,裁。永宁州冲,繁。府西百四十里。城内:顶箐山。东:二龙。南:箭眉。西:普肇、安笼箐山。西北:红崖山。北盘江自郎岱入,拖长江自普安合庚、戌二河,东北流注之,迳城西,纳西坡河、马凉河,又屈西南,马毕河自安南东北流注之,折东入贞丰。西:梅子关。募役巡检一。有关岭、募役、上卦三汛。西:沙营顶营长官一。盘江土巡检一。清镇冲,繁。府东北百二十里。明威清卫。康熙二十六年改置,省镇西卫,赫声、威武二所入之。东:狮子山。南:马鞍。西:铜鼓。北:羊耳山。鸡公河自安平入,北流迳城西,曲循城北,错入贵筑,又北入修文。三岔河自安平入,折西北流,牛场河西南来注之,亦入修文。西有滴澄关。安平冲,繁。府东六十里。明平坝卫。康熙二十六年改置,省柔远所入之。东:金鳌、高峰。南:国帽、天台。东南:马头山。簸渡河自普定入,迳天马山,北流入平远。鸡公河自广顺入,羊肠河东流注之。羊肠河双源夹城流,至县南十里而合,又屈东北,与麻线河会,折北入清镇。东:铜鼓关。南:沙子关、杨家关。东南:平坝关。郎岱厅简。府西百八十五里。明土司陇氏地。康熙五年平之。雍正九年置。永安协副将驻。北盘江自普安入,迳厅西,又东南流入永宁。簸渡溪自水城入,合厅北诸水,折东流入镇宁。东:石龙关。西:打铁关。驿一:毛口。有羊肠巡司一。归化厅要。府南百六十里。明康佐长官司及镇宁、定番、广顺三州交错之地。瓮正八年置。岩下河出厅西,南流,错入贞丰,复入境。乌泥河西南流来会,复入贞丰。猛渡河自普定入,复东南入罗斛。东:摆浪关。北:银子关。南:红沙关。有大营、坝阳、白岩、猴场、鼠场、牛场六汛。

都匀府:要。隶贵东道。副将驻。顺治初因明制,领州二,县一。康熙中,置都匀。瓮正中,辟八寨、都江、丹江,置同知一,通判二。十一年,广西荔波割隶。西北距省治二百四十里。广三百二十里,袤四百五十里。北极高二十六度十三分。京师偏西九度三分。领厅

三,州二,县三。西南:六洞司长官一。南:王司、吴司长官司一。又东,天坝、西南:平州。西,丹行三司,裁。**都匀**繁,倚。明都匀卫。康熙十一年置。城内:东山。西:龙山。北:梦遇。西南:凯阳山。马尾河为清水江,南源出县西,南合一小水,又北纳邦水河、龙潭河,东流入麻哈。麦冲河出县南,合四小水,西南流为丰安河,入独山。西:石屏关、威镇关。北:平定关。南:都匀司,西:邦水司长官一,明属府。顺治初改隶。平浪司长官一,明属卫。顺治初改隶。瓮正五年裁。**麻哈州**繁,难。府北六十里。东:皮陇、天台。南:天马。西:玉屏、铜鼓山。南:麻哈河有二源,经城西,合为一水,又名两岔江,北流入平越。马尾河自府东流入境,迳吴家司,北流入清平。谷洞、卡乌二汛。南:乐平司长官一。落户土舍一。东:平定司长官一。宣威土舍一。北:养鹅土千总一。西:旧司土舍一。**独山州**要。府西南百二十里,南有独山,州以此名。东:文汉山。南:镇灵。西:行郎山。南:独山。江即都江,上源,古牂牁江也;出水岩梅花峒,东北流经烂土司,马场河分流注之,折东入都江。西:凤饮河,出飞凤井,环城流,入独山江。丰安河自都匀入,迳城北,深河、平舟河来注之,再西入长寨。南:鸡公关。北:阿坑关。三角垭州同一。巴开、打略二汛。附郭独山司长官一。南:丰宁上长官司一。东南:丰宁下长官司一。三捧土舍一。东:烂土司长官一。东北:普安土舍一。**清平**冲,难。府东北百二十里。明县。康熙七年省入麻哈州,十一年复置,裁清平卫入之。南:水箐。东:棋盘。北:侍讲山。东南:香炉。东北:天榜山。猪梁江为清水江,北源自平越入,会麻哈河,东流入黄平。东南:马尾河,即剑江,自都匀入,北流入清水。南:鸡场关。凯里县丞一。排养、炉山二汛。东:凯里司安抚使,裁。**荔波**要。府东南二百里。顺治初承明,隶广西庆远府。雍正十年改隶。东:水排山。北:分水岭。荔泉在城北,县以此名。劳村江出县东北,西南流,与峨江会。峨江河,南、北二源,合于水董,再西南,永长溪自古州迳都江南,合数小水注之,入广西南丹土州。南:黎明关。西:马甲关。方村县丞一。有三洞、方村二汛。**八寨厅**要。府东九十里。明天坝土司地。雍正六年平苗疆置。西:得鹿山、大登高山,均险要。西:马尾河,自都匀入,东北流,入麻哈。龙泉自龙井、南泉自丹江,均入马尾河。都江自独山迳都江南,一水出厅北坡脚寨,南流入都江境来会。南:羊勇关。北:五里关。有九门汛。东南:扬武排调司长官一。东:永安司长官一。**丹江厅**要。府东北百四十里。明生苗地。雍正六年平苗疆置。西南:九门山。东南:牛皮箐,迤邐数百里,亘八寨、都江、古州界。大丹江源出厅西南,小丹江自厅东南来会,曰九股河,东北流,

入台拱。东：防里河，西流入丹江。鸡讲、黄茅、乌叠、顶冠、空稗、松林六汛。东北鸡讲、北黄茅、西南乌叠土千总一。**都江厅**要。府东南二百二十二里。明来牛大寨地。雍正六年平苗疆置。西：柳叠山。崇北：大坪山。都江上流曰独山江，自独山东流入羊乌河合乌沟河来会，又东入古州。北：排常关。有顺德、归仁土千总一。

镇远府：冲，繁，难。隶贵东道。总兵驻。顺治初因明制。西南距省治四百五十二里。广一百七十五里，袤二百五里。北极高二十七度二分。京师偏西八度十三分。领厅二，州一，县三。治后：石屏山。山半有穴，久雨水注则江溢。东南：思邛山。都波、都来二山。邛水司南：马首山。偏桥司南：石柱山。偏桥司长官一。左副、右副长官一，嗣改左副、右副为七品土官。**镇远冲**，繁，倚。康熙二十二年，以湖广镇远卫来属，省入。县东：铁山、中河山、马场山、观音岩。南：五老山。北：大、小石崖山。东北：打杵岩。西：鼓楼坡山。清水江自施秉入，迳镇远土司，东入台拱。邛水有二源，合流迳邛水司，南入清江。德明河源出德明洞，东南入台拱，注清水江。邛水自施秉入，白水溪、小由溪诸水注之，迳城西南，为镇阳江，又东纳焦溪，东北流入青溪。西北：金石关。北：文德关、镇雄关。东：鸡鸣关。邛水县丞一。四十八溪主簿一。东南：邛水司、正副长官一，嗣改为七品土官。**施秉冲**，难。府西南七十里。康熙二十二年，以湖广偏桥卫来属。二十六年省入。县城内：飞凤山。东：金钟、玉屏。北：三台山、岑砦山。清水江自黄平东流入，纳一小水，又东流入台拱。沅水自黄平东北流入，受芒密河、杉木河诸水，小江南自黄平来会，谓之两江河，东流入镇远。西：栏桥关。胜秉县丞一。偏桥废，驿。**天柱繁**，疲，难。府东南二百十里。顺治初因明，隶湖广靖州。雍正五年改隶黎平府。十一年来隶。东：云高山、茨岭山。南：春花、黄少。西：莲花。北：柱石山，县以此名。清水江自开泰入，迳城南，直银水等溪东南流注之，入湖南会同。西江一曰等溪，东南流，至城北入鉴水江。东：老黄田关。南：王桥关。西：西安哨关。北：渡头关。柳霁，县丞一。远口巡司一。岔处、革溪二汛。**黄平州冲**，繁，难。府西南一百三十里。顺治初因明属平越。康熙二十六年，徙州治于旧兴隆卫。嘉庆三年来隶。东：飞云岩。南：鼓台山。西：斗岩山。北：北辰、舟、石林山。清水江上源二，并自清平入，迳城南合，东流入施秉。水出州南金凤山，北流，合西来二小水，东北入施秉。东：冷水河、秀水，溪、高溪，下流合秀水入重安江。东：马鬃岭关、大石关。旧州城巡检一。驿一：重安江。黄平汛。东岩关司、东南重安司长

官一。又有朗城司土吏目，裁。台拱厅要。府东南一百三里。明九股生苗地。雍正十一年，平苗疆置，移清江同知驻之。北：猫坡山。东：莲花屯。西南：台雄山。清水江即施洞河，自镇远入，在城北，自黄平流入，折东南，迳革东汛，入丹江。九股河一名巴拉河，自丹江北流入境，至城西，斩水西北流来注之，折东北，入清水江。番招、台雄、革东、稿贡四汛。清江厅要。府东南一百九十里。明清水江苗地。雍正八年，平苗疆置，设同知。十一年，移同知于台拱，改通判。清江协副将驻。南：白索。西：公鹅、三台。北：柳罗山、白济关山。清水江自台拱东南流入，邛水自左来注之。乌蔑河、乌拥河、乌拉河自丹江入，汇为南哨河，自右来注之。再东纳德河，入开泰。东：东镇关。北：白济关。

思南府：繁。隶贵东道。顺治初沿明十五里。西南距省治六百四十五里。广四百里，袤五百六十里。北极高二十七度五十六分。京师偏西八度五分。领县三。城内：中和山。东：东胜、思唐。西：岩门、白鹿。北：双峰、象山。乌江自石阡入，鹦鹉溪、板坪河会清江溪注之，折东错入安化。北行至齐滩场，复入府境，曹溪东流注之，小郎坝水北流注之，再北复入安化。东：石峡关、武胜关、永胜关。南：芙蓉关。西北：鹦鹉关。东郎溪司、北沿河司长官一。西：西山阳洞蛮夷司，裁。安化繁。旧附郭。光绪八年移治大堡。府北百三十里。东：凤凰、莲花。南：文中。北：柱岩、椅子山。西南：仓廩山，下俯煎茶溪，有泉名第一。乌江自府东北流入，思邛江自印江西北流注之。三岔小河自四川酉阳西流注之，东北流，入酉阳。洪渡河自龙泉东北流入，经简家沟，下流曰丰乐河，一水西北来注之，错入婺川，复东北入县境，北流入四川酉阳。西北：覃韩偏刀水废土巡司一。婺川繁，难。府西北二百四十里。东：大岩。南：泥塘。西：华盖。东北：长钱山。北：卧龙山。丰河自安化入，合龙登河，晓洋江合白蛟溪东北来注之，又东北，复入安化。芙蓉江出县西，西北流，错入正安，复迳县西北，北流入四川涪州。东：焦岩关、水云关。西：石将关。北：九杆关、乌金关、石板关、青岩关。印江简。府南四十里。东：文笔、峨岭、大圣登山。西：河缝山。北：石笋山。思邛江自松桃入，折北流，合一小水，入安化，注乌江。东：峨岭关、仡楠关。南：秀宝关。

思州府：冲。隶贵东道。顺治初，因明制。领长官司四，不领县。雍正五年，割湖广平溪、清浪二卫来属。寻改玉屏、青溪二县。西南距省治五百四十里。广一百九十里，袤二百六十里。北极高二十七度十一分。京师偏西七度五十五分。领县二。东：岩前、龙塘。南：圣德。西：

盘山、岑巩。北：红崖、六农山。镇阳江自青溪入，迳城东南，入玉屏。潞濛河出府西北，合洪寨河，东南流，又纳施溪、洒溪、架溪诸水，东南入镇阳江。江易家河出府东北，合文水河，南流亦入镇阳江。东：都哨关。南：清平关黄士关。东北：鲇鱼关。西：盘山关。附郭都坪司。西南：都素司。东北：黄道溪司正、副长官一，嗣裁副长官。北：施溪司长官一。玉屏冲，繁。府东一百里。顺治初因明湖广平溪卫。雍正五年改置，来隶。北：玉屏山，县以此名。城内：回龙山。东：三台、月屏山。南：道定山，与双荐峰对峙。界牌山为诸蛮出入要路。镇阳江自府东北入，流迳城北，名曰平江，北流入湖南晃州。西：野鸡河汇西溪、梭溪诸水，迳飞凤山、野鸡坪，入平江，太平河从之。青溪冲，繁。府南九十里。顺治初因明湖广清浪卫。雍正五年改置，来隶。县治后：北障山。东：竺云。西：灵宝山。北：观音山。镇阳江即青溪江，自镇远入，铁厂河合竹坪河、描龙河注之，东北流入府。东：清浪关、鸡鸣关。西：栗子关。

铜仁府：中，繁，难。隶贵东道。副将驻。顺治初因明制。康熙四十三年，平红苗，设正大营，以同知驻其地。雍正八年，平松桃红苗，移同知驻，以正大营地割隶铜仁县。嘉庆三年，升松桃为直隶厅，以乌罗、平溪二司地拨归厅辖。光绪六年，剿平梵净山匪，移铜仁县治江口，即提溪吏目驻地，分府属五硐归县，分县属六乡及坝盘等三乡之半归府亲辖，移吏目大万山。西南距省治六百六里。广一百七十里，袤二百七十里。北极高二十七度三十八分。京师偏西七度三十分。领县一。南：铜崖，府以此名。东：石笏、天台。南：天马、六龙。西：诸葛山。北：种凤山。大江即辰水，自县东流入府，合瓮怕洞水，又东与小江合。小江发源梵净山，合茶山塘水，南流与辰水会，东入湖南麻阳，谓之麻阳江。东：龙势、石榴、漾头等关。北：倒马、芭龙、瓮梅、倒水等关。大万山吏目一。正大、施溪二汛。东南省溪司、西提溪司正副长官一。铜仁繁。府西北九十里。月波山在县治右，形如半月，斜对三岩，高十余仞。西北有梵净山，周五六百里，跨思南、镇远、松桃、印江界。南：五云山。西南：百丈山。辰水出梵净山，有二源，右源纳标杆河、羊溪数小水，东南迳提溪司，左源经哨上渡，纳一小水，至提溪司，与右源会，省溪、凯洪溪注之，东流入府。正大营县丞一。滑石汛。

遵义府：中，冲，繁。旧隶贵西道。副将驻。顺治初因明制，为军民府，隶四川。康熙二十六年，裁“军民”字。瓮正五年改隶。西南距

省治二百八十里。广七百九十里，袤三百六十里。北极高二十七度三十七分。京师偏西九度二十九分。领厅一，州一，县四。遵义冲，繁，难，倚。顺治初，因明，隶四川。雍正七年，同府改隶。东：香枫、三台。西：洪关、元宝、大水田山、娄山。北：大楼、龙岩、定军山。西北：永安山。乌江缘开州入，中渡河、乐阆河及二小水南流注之，又东南会清水江，入瓮安。湘江出县西北龙岩山，二源合南流，洪江合凤凰溪来会，南迳湄潭，至瓮安注乌江。赤水河自仁怀入，沙坝河合数小水北流注之，又纳盐井河，错入桐梓。东：三渡关。西：乌江关、落蒙关。北：太平关。驿四：乌江、播川、松坎、湘川。桐梓繁，疲，难。府北百二十里。顺治初因明，隶四川。雍正七年同府，改隶。东：石女、九龙山。北：扶欢。南：金马。西：金鹅山。赤水河自仁怀东流入遵义，复错入县境，斋郎河合溱溪水西流注之，复入仁怀。松坎河，即綦江，上源自正安入，出县东北，二源合，西北流，坡头河自正安西流注之，又北入四川綦江。石嘴河，即温水上源，出县西北，入仁怀界。北：张九关。东北：石壶关。绥阳筒。府东一百里。顺治初因明，隶四川。雍正七年，同府改隶。东：绥阳山，县以此名。南：鼓山、冠子。北：波利山、仙人山。西：金子山。乐安河一曰鹿塘河，二源出县北，合南流入遵义，注湘江。湄潭河自湄潭，南流迳城东南，仍入湄潭。小乌江一曰渡头河，出县北，合桑木塘水、关渡河，北流入正安。东：九杼关、石卯关、苦竹关。西：郎山关。南：板阁关。东有桑木关、龙洞关。正安州难。府东北三百四十里。顺治初因明，为真安，隶四川。康熙中迁治古风。雍正二年改正安。七年同府改隶。南：罗蒙山、石场，清静。西：轴子、峻岭。北：豹子山。小乌江自绥阳入，右纳牛渡河，左纳清溪河，又东北流，注芙蓉江。三江河自四川綦江入，纳安四溪水，又东北入婺川。亦曰芙蓉江。坡头河自綦江西南流，迳县境，又西入桐梓，注松坎河。北：老鹰关、青岩关。西：白岩关。仁怀冲。府西北百八十里。顺治初因明隶四川。雍正七年，同府改隶。八年移治亭子坝。东：翠涛。西：夕阳。北：牛心山。西北：老色山。赤水河自四川永宁入，迳俾子关，合二小水，错入遵义、桐梓。折西北，复入县，右纳枫香坝河，左纳九溪河，古兰河北流注之。又西北，入赤水南，曲折西流，复东北，再入县境，纳高洞河，入四川合江。温水自桐梓入，合三岔沟水，入四川綦江。温水场，府经历一。有汛。赤水厅要。府西北二百四十里。瓮正八年，以通判分驻之，留元坝，改置仁怀厅。乾隆四十一年升直隶厅。光绪三十四年，改名，降厅。东：天台。南：三台、五老。西：官山，绵长三百余里。赤水河自仁怀入，永思河亦自仁怀来注之，南纳儒

溪、泥溪、猿猴溪，北纳葫芦溪、尧坝溪、沙坝溪，经厅南，后溪注之。又北流，枫水溪并二小水注之，东北流，仍入仁怀。南：葫芦关。西：中箐关。猿猴汛。

石阡府：简。旧隶粮储道。顺治初沿明制。康熙中省葛彰、苗民。雍正中，省石阡副司。西南距省治五百七十四里。广六十五里，袤四百四十里。北极高二十七度二十九分。京师偏西八度十九分。领县一。阡山自平越入境，蜿蜒数百里，府以此名。东：九龙、镇东。南：松明、十万山。西：万寿山。北：香炉山。乌江自余庆入，落花屯水东南流注之。龙底河有二源，经府治西，合一小水，东北流注之，入思南。龙底河一曰白岩河，上源为包溪，北流迳黄茅囤，纳大溪、凯斜溪，再北入乌江。南乐回溪，西北深溪、北洋溪，皆入龙底河。东：松明关。东南：大定关。西南：镇安关、乐平关。北：镇夷关。龙泉繁，难。府西北二百四十里。城内：凤凰山。南：将军山。西：绥阳。北：鸡翁山。龙泉出凤凰山麓，县以此名。羊子河、贯石河并出县西，合东流迳义阳山南，为义阳江。右合一水，东流为清江溪，入思南。洪渡河出县西，北山东北流，入安化。大水河，亦出县西，北合小水河东流从之。东：张教坝关。西：平水口关、虎踞关。偏刀水汛。土县丞、土主簿一，均载。

黎平府：繁，疲，难。隶贵东道。顺治初因明制，领县一：永从。雍正三年，以湖南五开、铜鼓二卫来属。五年，改二卫为开泰、锦屏二县，又以湖南靖州之天柱县来属。七年增设古州厅。十一年改天柱属镇远府。乾隆三十五年增设下江厅。道光十二年，降锦屏为乡，以其地属开泰。西北距省治八百八十里。广四百七十里，袤四百三十里。北极高二十六度九分。京师偏西七度三十一分。领厅二，县二。城内：五龙山，中黄龙。东：太平。南：丑家。西北：宝唐，山势重叠。自北而南，亘百余里。洪州吏目一。有黎平汛。东南：洪州。北、潭溪、欧阳、湖耳司正副长官一。东北新化，西古州，北龙里、中林、八舟、亮寨司长官一。又三郎司、赤溪南洞司，裁。同知及理苗照磨驻古州。通判驻下江。吏目驻洪州。泊里长官司。开泰繁，难，倚。东：龙见、大岩。东北：挂榜。北：龙标、楚营、八舟山、茶山。西南：铜关、铁寨山。清水江自清江入，乌下江合二水，东北流注之。新化江出天甫山，亦东北流注之，入天柱。永从溪自永从入，东北流，曰潘老河，东入湖南靖州。东：宁溪关、黄泥关。东南：燕窝关。锦屏，县丞一。有汛。朗洞，县丞一。永从简。府南六十里。县治后：飞凤山。南：上、下皮林山。东

南：鹿背、皮林山。西南：标瑞、龙图山。福祿江上流即古州江，自下江东南流入境，经丙妹南，错入广西怀远。曹平江亦自下江东南流入境，经丙妹北，东北怀远。永从溪二源出县南，合流，北入开泰。丙妹，县丞一。有永从、丙妹二汛。古州厅要。府西一百八十里。古州总兵、贵东道驻。东：双凤。西：俾飞、摆喇山。西南：狮子山。都江自都江入，名古州江，左纳彩江，入下江。榕江、车江并出厅北，合流注之，折东南入下江。朗洞江出厅北，东北流入开泰，注乌下江。东：永镇关。西：归化关。有王岭、寨蒿、小都江三汛。下江厅要。府西南一百八十里。南：朋论山。西南：崖鸡、乌地、雾獾、九千里山，亘数百里。都江自古州东南流入，迤厅南入永从。东江、溶江自古州合流入境，下游曰曹平江，东南流入永从。弱女江源出厅南，东北流至双江口，小溪东北流来会，再东北入古州江。

大定府：要。旧隶贵西道。明贵州宣慰司及乌撒军民府地。副将驻。康熙三年，平水西、乌撒，以大方城置。二十六年，降州，隶威宁府。瓮正七年复升府。东南距省治三百三十里。广五百八十五里，袤六百六十里。北极高二十七度四分。京师偏西十度五十五分。领厅一，州三，县一。东：万松、火焰、凤山。西：五老山。北：大鸡。东北：九龙。西北：双山。乌江自毕节入，署仲河、通德河皆北流注之，又东，落折河合打鸡关诸水，折南来注之。乌西河合石溪河，自北来，猓龙河自南来，皆注之，又东分入平远。赤水河自毕节入，经府北，纳永岸小河，卧牛河，合油杉河诸水，东北入黔西。东：老蒙关。南：那集关。西：奢东关、乐聚关。北：大弄关、柯家关。仓上、乌西二汛。平远州繁，难。府东南八十里。康熙三年平水西乌撒，以比喇坝置府。二十二年，降州，隶大定。二十六年改隶威宁。雍正七年仍来隶。平远协副将驻。东：悬雾、东山。南：狮子、凤凰。西：白岩山。北：墨续山。乌江自府南入，高家河、卜牛河东北流注之。又东：纳以麦河水，入黔西。西：木底河，即鸭池河，自水城入，受武著河，错入安顺。北古河，合堕极河，南流注之，复迳城东，名簸渡。会牛塘河诸水，北流入黔西。东：织金关。南：凤凰关、望城关。黔西州繁，难。府东二百二十里。康熙三年，以水西置府。二十二年，降州来隶。二十六年改隶威宁。雍正七年仍来隶。城内：狮子山、牛饮山。南：石虎。北：分水岭。东：鸡鸣山。又十万溪箐，悬崖绝壁，四面皆砦。西北：白塔山、杓里箐、比喇大箐。猓革河即六归河，自府入，平溪南流注之。又东，鸭池河自平远入，又东会簸渡河，东入修文，为乌江南源。以济河源出州西北，西南流，合打鼓寨水，东北流，渭河合乌箐河来会，沙河合鼓楼水、三现身水，东南来注

之，入修文。赤水河自府东北流迆州境，入四川永宁。西：化榨关。沙溪，沙土、右革关、鸭池、西溪六广、黄沙诸汛。**威宁州要**。府西三百八十三里。康熙三年以乌撒置府。雍正七年降州来隶。威宁镇总兵驻。东：飞凤山。东北：翠屏。西：火龙、麻窝。北：三台乌门。南：石龙、千丈崖。七星河为乌江上源，出州南，合八仙海、泔处海诸水，东北流，过清水塘，入毕节，再入州境，菩萨海南注之，黑章河北注之，又东，复入毕节。北盘江，出州西山，二源合南流，经芒渣汛，西为芒渣河，又南，错入云南宣威，为可渡河。牛栏江自云南会泽入，合腻书河，又北流，入云南恩安。洛泽河出州西北，合数小水，东北流，亦入恩安。东：石骆驼关、梅子关。南：云关。北：可渡关。西北：分水岭关。得胜坡巡检一，有汛，与江半坡二。水西宣慰使一，裁。毕节冲，繁，难。府西北一百里。明毕节赤水卫地。康熙二十六年置，隶威宁府。雍正七年改隶。贵西道驻。光绪三十四年裁，改巡警道，移驻贵阳。东：木稀山。南：脱颖。西：七星。北：石笋山。东北：东陵山、雪山、层台山。乌江自威宁入，亦名七星河，过芒甸汛，再入州境，又东复迆县境，则底河自云南镇雄入，合后所河，南流注之。又东南，合二小水入府。赤水河即赤鴟河，自云南镇雄入，纳杉木河入府。东：木稀关。南：落折关。西：老鸦关。毕赤汛。**水城厅要**。府西南二百九十里。明水西地。雍正十年置。东：将军、玉笋山。南：马龙屯。北：麒麟、文笔山。簸渡河一曰鸭池河，出厅西，以且海合一水，东北流，经城北，折东南，水城河东北来会。又纳扒芒河、以固汛水、武著河诸水，错入即岱。北盘江自云南宣威入，刺瓮河合桃花溪水自威宁来注之，北纳结里山东西二水及黑胜汛水，南纳木冬河，入盘州。州东：猴儿关。西：卡子斗关。普擦、猪场二汛。

兴义府要。旧隶贵西道安义镇。总兵驻。顺治初因明为安笼所。康熙二十五年，置南笼厅，移贵阳通判驻之，仍隶府。雍正五年升府。嘉庆二年，改兴义。东北距省治五百八十里。广七百四十里，袤五百五里。北极高二十五度四分。京师偏西十度五十五分。领厅一，州一，县三。东：龙井山，珍珠泉山焉。将军山。西：九峰山。北：玉屏、万寿山。南：红江即南盘江，自兴义入，都威河西南流注之，又东入贞丰。北盘江自贞丰南流，错入府境，仍入州。鲁沟河，源出府北，左纳阿棒河，又东入贞丰，注北盘江。缘海出府城东北，众水所汇。南：梅子关。马芙田、哈马隘、狗场、卡子、额老诸汛。贞丰州要。府东北一百二十里。雍正五年，析广西西隆州红水江以北地设永丰州，隶南笼

府。嘉庆二年改贞丰。署后枕峻山。东：六合山。北：九盘、花江岩山。西南：笼鹤山，绵亘数十里。北盘江自永宁入，宁谷河亦自州来注之，又南会岩下河，错入府，仍迤州境，左纳鲁沟河、缘海，南流与南盘江会，南盘江自府入，八卦溪北来注之，又东合北盘江，东北入罗斛。东：坡呈箐关。西南：者党关。北：石屯关。册亨，州同一。定头、高坎、王母、渡邑四汛。普安冲，繁。府西北二百四十里。明新城、新兴二千户所。顺治十八年置，隶安顺府。康熙二十二年移治新兴。瓮正五年改隶。东：乌龙、直武。南：九峰山。西：八纳山。北：落马、大、小尖山、罗摩塔山。拖长江自盘州入，有三小水合流注之，又东北入永宁。深溪河源出县南，右合阿希河，左合木郎河，东南流入兴义，注马别河。抹角河自盘州入，合一小水，西南流，入云南平彝。西北：坚固关。北：芭蕉关。驿二：罐子窑、杨松。旧设驿丞，裁。新城，县丞一。土州同，裁。安南冲，繁。府北二百四十里。明安南卫。康熙二十六年置，隶安顺府。瓮正五年改隶。城内：天马山。东：盘江。西：晴龙、白基山。西北：尾丽山。西北：毛口河即北盘江，上源自盘州入，东南入郎岱。西、西宁河、西坡河，北甲猛河下流，皆入盘江。南：巴林河，北流迤普安，至城东，又为大章河，下流合阿里河，注北盘江。东：盘江关、海马关。西：鸟鸣关。南：老鸦关。盘江十一城，明天启间筑。驿一：列当，旧设驿丞，裁。阿都汛、廖箕二汛。兴义要。府西北八十里。瓮正五年于黄草坝设州判，隶普安州。嘉庆三年裁，改置县，隶府。十四年改隶普安直隶州。十六年仍来隶。南：笔架。东：白马。北：狮子、马鞍山。南：盘江上源曰八达河，自云南罗平入，迤城西南，沿界东北流，九龙河亦自罗平入，合上江水注之，又东纳中江、下江二水，迤城南，马别河自普安南流注之，又东入府。棒鲜巡检一。亦资孔驿丞一。盘州厅要。府西三百里。顺治初，因明普安州，隶安顺府。康熙二十六年省普安卫入州。瓮正五年改隶。嘉庆五年改隶。嘉庆十四年升直隶州。十六年改直隶厅。光绪三十四，年改名，降厅，仍隶府。南：倚兰山，为滇、黔分界处。西：黑山，上有潭。北：广武山，绝顶有泉九汇为大池。西南：党壁山。盘江自水城入，纳罗摩塔河，东南流入郎岱。拖长江出厅西南平彝所，北流，有一水自海子铺来会，至桥驿，合数小水入普安。猪场河出厅北，折东合二水，又东入普安，注拖长江。抹角河出厅西南，亦入普安。南：倒木关。西：分水岭关。东南：安笼箐关。驿一：山门。上舍、白沙、刘官三汛。

松桃直隶厅：要，繁，疲，难。隶贵东道。副将驻。明红苗地。康熙四十三年，讨平红苗，设正大营，置同知，隶铜仁府。瓮正八年，平松

桃，置厅，移同知驻。嘉庆二年，升直隶厅，益以铜仁府属平头、乌罗二土司地。西南距省治八百四十五里。广二百八十里，袤二百二十里。北极高二十八度八分。京师偏西七度三十三分。城内：蓼皋山。东：七星山。北：秋螺。南：狮子。西北：龙顶山。武溪出厅西，为西水，西南源，合二水，东流，入四川秀山。沱江出厅南，东流入湖南凤凰厅。思邛出厅西，二水合西流，入印江。西：平头关、野猎关。有盘石、护国、木树、芭茅、石岷诸汛。西：乌罗、平头司长官一。

平越直隶州：冲，繁，难。旧隶粮储道。顺治初，因明为军民府。康熙十一年，改平越卫为县，附郭。二十六年，省“军民”字。嘉庆三年，降直隶州，省平越县。西南距省治一百九十里。广一百八十里，袤三百三十里。北极高二十六度三十八分。京师偏西九度五分。领县三。城内：福泉山。东：黎峨山。东南：叠翠山，群峰插天，中为老人峰。西：翁、杨山、杉木箐山，峰峦高峻。猪梁江为清水江，北源出州西北，合数水，迳黄丝驿，西北府城水、卡龙河、西南羊场河均注之，东流入清平。白水河一曰巖巖河，源出州西北，南流迳牛场，有二水来合，入猪梁江。东：羊肠关。南：武胜关。北：七星关。驿三：酉阳、黄丝、杨老。汛三：酉阳、杨老、打铁关。西杨义司，西北高坪、中坪司长官一。瓮安难。州北六十里。东：笔架山、都凹山。西：仙桥、白乐。北：九峰、玉华峰。乌江自开州入，迳城北，湘江自遵义南来注之，又东，瓮安河、坪桥河、红头铺河、草塘司河，东北流注之，湄潭河自遵义南来注之，东入余庆。东南：蓝家关。西：黄滩关。西北瓮水，东北：草塘，土县丞一。湄潭繁，疲，难。州北三百三十里。城内：玉屏山。西：玛瑙。北：觉仙。南：象山、牛星山。湄潭河二源，自大、小板角关入，合南流，至城北，汇数小水，西南流，迳遵义入瓮安，注乌江。北：士溪河自正安入，至老木凹，合青龙水，入婺州，注丰乐河。东：锡洛关。西北：板角关。北：青龙关。余庆简。州东北一百四十里。南：中华、拱辰。西：九龙山。北：梦峨山、牛塘山。乌江自瓮安入，余庆司水南流注之。河自瓮安纳小江、猪场河，东北流，牛场河即白泥江，纳新村水，亦东北流注之，又东北入石阡。南：头关。西：中关。西北：余庆土县丞一。东北：白泥土主簿一。

清史稿卷七六

志第五一

地理二十三

新 疆

新疆：古雍州域外西戎之地。汉武帝设西域都护，天山以南，城郭三十六，国皆属焉。天山以北，东匈奴右部，西乌孙，未尝服属。后汉，山北如故，山南分五十余国，于阗、龟兹最著。自建武迄延光，三绝三通，设都护及长史治之。三国及晋，北为乌孙及鲜卑西部，南为于阗、龟兹诸国。北魏，柔然、乌孙、悦般、高车尽有山北地；后周，突厥、铁勒据之。其南以鄯善为强。唐于西州置北庭大都护府，统沙陀、突厥、回鹘、西突厥，北部诸都督府。于龟兹置安西大都护府，统龟兹、于阗、疏勒、碎叶四镇，蒙池、昆陵等都护。中叶后，为吐蕃所有。五代并于吐蕃、回鹘。宋时乌孙、回鹘居山北，于阗、龟兹诸国入于辽。元置三行尚书省，葱岭以东属巴什伯里行尚书省。寻增天山南、北宣慰司，北则巴什伯里，南则哈喇和卓，后为都哩特穆尔地。明，四卫拉特居北部，曰绰罗斯，曰杜尔伯特，曰和硕特，曰辉特。其南部则巴什伯里、叶尔羌、吐鲁番诸国回部，派噶木巴尔诸族居之。顺治四年，哈密内属，吐鲁番亦入贡，惟四卫拉特仍据其地。准噶尔即绰罗斯部。数侵略喀尔喀，圣祖三临朔漠征之，噶尔丹走死，其兄子策妄阿拉布坦遁伊犁，传子及孙，从孙达瓦齐夺其位。乾隆十九年，杜尔伯特、和硕特、辉特先后来归。二十年，执达瓦齐，准噶尔平。二十二年，以阿睦尔撒纳叛，霍集占附之，再出师。二十三年，克库车、沙雅尔、阿克苏、乌什诸城，明年，收和阗、喀什噶尔、叶尔羌诸城，二酋走死回部，亦平。二十七年，设伊犁